## Malay - Berdoa Mazmur - Praying WP Psalms 2017

- Mazmur 68:1(1,2) Untuk pemimpin koir. Mazmur Daud. Lagu. (2) Jehovah bangkit dan mencerai-beraikan musuh-Nya. Orang yang membenci Dia lari daripada-Nya.
- Mazmur 5:9,10(10,11) Kata-kata musuhku tidak boleh dipercayai; rancangan mereka jahat sekali; kata-kata mereka manis memikat, tetapi penuh dengan niat jahat. 10(11) Hukumlah mereka, ya Jehovah; biarlah mereka celaka kerana rancangan mereka sendiri. Usirlah mereka kerana dosa mereka yang banyak itu serta pemberontakan mereka terhadap-Mu.
- Mazmur 7:1,2(2,3) Ya TUHAN, Jehovahku, aku berlindung kepada-Mu; selamatkanlah dan lepaskanlah aku daripada semua orang yang memburu aku. 2(3) Jangan biarkan mereka seperti singa yang menerkam dan menyeret aku ke tempat yang tiada seorang pun dapat menyelamatkan aku.
- Mazmur 11:6 Orang jahat dihukum-Nya dengan malapetaka, dengan arang berapi, belerang, dan angin yang menghanguskan.
- Mazmur 18:2(3) TUHAN ialah pelindungku; Dia bagaikan kubu yang kuat bagiku. Jehovahku tempat perlindunganku, aku selamat bersama dengan Dia. Dia melindungi aku seperti perisai; Dia membela dan menjaga aku supaya aku selamat.
- Mazmur 18:14(15) Dia melepaskan anak panah-Nya dan mencerai-beraikan musuh-Nya; Dia memancarkan kilat sehingga menyebabkan mereka lari.
- Mazmur 18:17(18) Dia menyelamatkan aku daripada musuhku yang kuat, dan daripada mereka yang membenci aku, kerana mereka terlalu kuat bagiku.
- Mazmur 18:39(40) Engkau memberi aku tenaga untuk bertempur, dan kemenangan atas musuhku.
- Mazmur 18:45(46) Mereka hilang keberanian; mereka gementar dan keluar dari kubu pertahanan.
- Mazmur 18:48(49) dan menyelamatkan aku daripada lawanku. Ya TUHAN, Engkau memberi aku kemenangan atas musuhku dan melindungi aku daripada orang ganas.
- Mazmur 23:3 Dia memberi aku kekuatan baru. Dia membimbing aku di jalan yang benar, sebagaimana yang dijanjikan-Nya.
- Mazmur 27:11 Ajarilah aku kehendak-Mu, ya TUHAN, dan pimpinlah aku pada jalan yang selamat, kerana musuhku amat banyak.

- Mazmur 31:15(16) Aku sentiasa berada dalam jagaan-Mu; selamatkanlah aku daripada musuhku dan daripada mereka yang menganiaya aku.
- Mazmur 34:4(5) Aku berdoa kepada TUHAN dan Dia mengabulkan doaku, Dia membebaskan aku daripada segala ketakutan.
- Mazmur 34:7(8) Malaikat TUHAN mengawal orang yang menghormati-Nya, dan menyelamatkan mereka daripada bahaya.
- Mazmur 34:13(14) Jangan keluarkan kata-kata jahat, dan jangan suka berdusta.
- Mazmur 34:17-19(18-20) Apabila orang salih berseru, TUHAN mendengar dan menyelamatkan mereka daripada segala kesusahan. 18(19) TUHAN dekat kepada orang yang tawar hati; Dia menyelamatkan mereka yang putus asa. 19(20) Orang baik mengalami banyak kesusahan, tetapi TUHAN menyelamatkan mereka daripada semuanya;
- Mazmur 35:1-8 Mazmur Daud. TUHAN, lawanlah orang yang menentang aku, dan tentanglah orang yang memerangi aku. 2 Gunakanlah perisai dan baju zirah-Mu, bangkitlah dan tolonglah aku. 3 Angkatlah tombak dan lembing-Mu untuk menentang mereka yang mengejar aku. Katakanlah bahawa Engkau penyelamatku. 4 Biarlah mereka yang cuba membunuh aku dikalahkan dan dipermalukan. Biarlah mereka yang berkomplot menentang aku dipukul mundur dan dibingungkan. 5 Biarlah mereka menjadi seperti sekam yang ditiup angin, ketika dikejar oleh malaikat TUHAN. 6 Biarlah jalan mereka gelap dan licin, ketika mereka diburu oleh malaikat TUHAN. 7 Tanpa sebarang sebab mereka memasang perangkap untukku dan menggali lubang yang dalam untuk menangkap aku. 8 Biarlah mereka ditimpa kebinasaan dengan tidak disangkasangka, dan dijerat oleh perangkap mereka sendiri lalu jatuh dan binasa.
- Mazmur 35:10 Dengan sepenuh hati aku akan berkata kepada TUHAN, "Engkau tiada bandingnya. Engkau melindungi orang lemah daripada orang kuat, orang miskin dan sengsara daripada penindas mereka."
- Mazmur 36:7-9(8-10) Ya Jehovah, betapa berharganya kasih-Mu, manusia mendapat perlindungan di bawah naungan sayap-Mu. 8(9) Mereka mengenyangkan diri dengan makanan berlimpah dari rumah-Mu; Engkau memberi mereka minuman dari sungai kebaikan-Mu. 9(10) Engkaulah sumber segala kehidupan, dan kerana cahaya-Mu, kami dapat melihat cahaya.
- Mazmur 37:5 Serahkanlah hidupmu kepada TUHAN, berharaplah kepada-Nya dan Dia akan menolong engkau;
- Mazmur 37:23,24 TUHAN memimpin orang ke jalan yang harus ditempuhnya dan melindungi orang yang diperkenankan-Nya. 24 Jika orang itu jatuh,

- dia tidak akan cedera, kerana TUHAN memegang tangannya.
- Mazmur 37:40 Dia menolong dan menyelamatkan mereka; serta membebaskan mereka daripada orang jahat, kerana mereka minta perlindungan daripada-Nya.
- Mazmur 39:1(1,2) Untuk pemimpin koir. Mazmur Daud. Untuk Yedutun. (2) Aku berkata, "Aku akan berhati-hati dengan perbuatanku, dan tidak akan berdosa dengan lidahku. Aku tidak akan berkata apa-apa selama orang jahat berada di sisiku."
- Mazmur 41:4(5) Aku berkata, "Ya TUHAN, aku telah berdosa terhadap-Mu; kasihanilah aku dan sembuhkanlah aku!"
- Mazmur 42:5,11(6,12) Mengapakah aku sedih? Mengapakah aku gelisah? Aku akan berharap kepada Jehovah dan sekali lagi aku akan memuji Dia, Jehovahku dan penyelamatku. 11(12) Mengapakah aku sedih? Mengapakah aku gelisah? Aku akan berharap kepada Jehovah, dan sekali lagi aku akan memuji Dia, Jehovahku dan penyelamatku. (Mazmur 43:5)
- Mazmur 43:1 Ya Jehovah, buktikanlah bahawa aku tidak bersalah, dan belalah aku terhadap bangsa yang durjana; jauhkanlah aku daripada penjahat dan pendusta.
- Mazmur 44:4(5) Engkaulah Rajaku dan Jehovahku; Engkau memberikan kemenangan kepada umat-Mu.
- Mazmur 51:4(6) Aku telah berdosa terhadap-Mu terhadap-Mu sahaja, dan aku melakukan perkara yang Engkau anggap jahat. Maka patutlah Engkau menghakimi aku; adillah Engkau ketika menghukum aku.
- Mazmur 52:5(7) Oleh itu, Jehovah akan memusnahkan engkau selamalamanya; Dia akan menangkap dan menarik engkau dari rumah; Dia akan melenyapkan engkau dari dunia orang hidup.
- Mazmur 54:7(9) Engkau telah menyelamatkan aku daripada segala kesusahan, dan aku telah melihat musuhku dikalahkan.
- Mazmur 55:18(19) Dia akan membawa aku pulang dengan selamat setelah aku berperang melawan musuh yang banyak sangat.
- Mazmur 59:2(3) Selamatkanlah aku daripada orang jahat itu; lepaskanlah aku daripada pembunuh-pembunuh itu!
- Mazmur 60:12(14) Bersama dengan Jehovah, kita akan berjaya; Dialah yang akan mengalahkan musuh kita.
- Mazmur 63:11(12) Raja akan bersukacita kerana Jehovah memberi raja kemenangan; semua orang yang berjanji demi Jehovah akan bergembira, tetapi suara pendusta akan disenyapkan.
- Mazmur 66:3 Berkatalah kepada Jehovah, "Sungguh menakjubkan segala

- perbuatan-Mu! Kuasa-Mu begitu besar sehingga musuh tunduk ketakutan di hadapan-Mu.
- Mazmur 68:6(7) Dia memberikan keluarga kepada yang tidak ada saudaramara, dan membebaskan orang tawanan sehingga mereka bahagia; tetapi pemberontak akan tinggal di tanah gersang.
- Mazmur 68:35(36) Sungguh mengagumkan Jehovah kita waktu Dia keluar dari tempat kediaman-Nya, Jehovah umat Israel memberikan kuasa dan kekuatan kepada umat-Nya. Pujilah Jehovah!
- Mazmur 70:1(1,2) Untuk pemimpin koir. Mazmur oleh Daud, ketika mempersembahkan korban peringatan. (2) Ya Jehovah, selamatkanlah aku! TUHAN, cepatlah tolong aku!
- Mazmur 71:4 Ya Jehovahku, selamatkanlah aku daripada orang jahat, daripada kuasa manusia yang tidak adil dan kejam.
- Mazmur 71:13 Biarlah mereka yang menyerang aku dikalahkan serta dibinasakan! Biarlah mereka yang cuba mencelakakan aku dipermalukan dan dihinakan!
- Mazmur 72:12 Raja menyelamatkan orang miskin yang berseru kepadanya, serta orang yang diabaikan dan yang susah.
- Mazmur 76:12(13) Dia menundukkan pemerintah yang sombong, dan menggentarkan raja-raja di bumi.
- Mazmur 79:9 Tolonglah kami, ya Jehovah, penyelamat kami; demi kehormatan-Mu sendiri, selamatkanlah kami dan ampunkanlah dosa kami.
- Mazmur 86:17 Ya TUHAN, buktikanlah kebaikan-Mu kepadaku, maka mereka yang membenci aku akan tersipu-sipu, ketika melihat Engkau menghiburkan dan menolong aku.
- Mazmur 91:14,15 Firman Jehovah, "Orang yang mengasihi Aku akan Kuselamatkan, orang yang mengakui Aku sebagai TUHAN akan Kupeliharakan. 15 Apabila mereka berseru kepada-Ku, Aku akan menjawab mereka. Apabila mereka dalam kesusahan, Aku akan menolong mereka. Aku akan menyelamatkan serta menghormati mereka.
- Mazmur 92:11(12) Aku telah melihat kekalahan musuhku, dan mendengar teriakan orang jahat yang menyerang aku.
- Mazmur 103:10 Dia tidak menghukum kita setimpal dengan dosa kita, Dia tidak membalas kita setimpal dengan kesalahan kita.
- Mazmur 104:9 Engkau menentukan sempadan yang tidak boleh dilalui, supaya air tidak membanjiri bumi lagi.
- Mazmur 107:6 Kemudian dalam kesusahan, mereka berseru kepada

- TUHAN, dan Dia menyelamatkan mereka daripada kecemasan.
- Mazmur 118:10,12 Banyak musuh mengelilingi aku, tetapi aku membinasakan mereka dengan kuasa TUHAN. 12 Mereka menyerbu aku seperti lebah, tetapi mereka terbakar secepat belukar; aku membinasakan mereka dengan kuasa TUHAN.
- Mazmur 121:7,8 TUHAN akan melindungi kamu daripada segala bahaya; Dia menjaga kamu supaya hidupmu selamat. 8 TUHAN akan melindungi kamu ketika kamu pergi dan balik, dari sekarang hingga selamalamanya.
- Mazmur 138:3 Engkau menjawab apabila aku berseru kepada-Mu; Engkau menguatkan aku sehingga aku berani.
- Mazmur 140:1(1,2) Untuk pemimpin koir. Mazmur Daud. (2) Ya TUHAN, selamatkanlah aku daripada orang jahat; jauhkanlah aku daripada pengganas.
- Mazmur 140:4,5(5,6) Ya TUHAN, lindungilah aku daripada kuasa orang jahat; peliharalah aku daripada pengganas yang merancang untuk menjatuhkan aku. 5(6) Orang sombong memasang perangkap untukku; mereka merentang jaring untuk menjerat aku, dan memasang jerat di sepanjang jalan untuk menangkap aku.
- Mazmur 142:6(7) Dengarlah seruanku minta tolong, kerana aku tidak berdaya. Selamatkanlah aku daripada musuhku; mereka terlalu kuat bagiku.
- Mazmur 143:9 Aku datang hendak berlindung kepada-Mu, ya TUHAN, selamatkanlah aku daripada musuhku.
- Mazmur 147:14 Dia menjaga keamanan negerimu dan memuaskan engkau dengan gandum yang terbaik.
- Mazmur 149:6-9 Hendaklah mereka memuji Jehovah dengan bersoraksorak, sambil memegang pedang yang tajam 7 untuk mengalahkan bangsa-bangsa, dan menghukum rakyat mereka; 8 untuk membelenggu raja-raja dan merantai pemimpin mereka, 9 untuk menghukum bangsabangsa menurut perintah Jehovah. Itulah kemenangan umat Jehovah. Pujilah TUHAN!

Pastor T. John Franklin
Church of Salvation, Healing, and Deliverance
COS-HAD.org